

Sjećanje na Nedeljku Lovreta



Nedeljka - Neda Lovreta, rođena je 1959. godine u obitelji Mott, 1959. godine u Tuzli. Kćerka je Leo Motta i Vere, rođena Šusterčić.

Gubitak oba roditelja 1992. godine je porodičan tragedija koju Nedeljka nikad nije mogla da prežali.

Upravo gubitak roditelja je uzrokovao zdravstvene tegobe i doživotnu usamljenost. Stanovala je u naselju Italijanuša, u blizini drugih Mott obitelji.

Imala je kćerku Leu, zeta Kristijana i troje unučadi. Nedeljka je umrla 2.11.2015. a sahranjena je na groblju Trnovac Tuzla.

IZLOŽBA RENESANSE

UDRUŽENJE GRAĐANA ITALIJANSKOG PORIJEKLA „RINO ZANDONAI“ TUZLA realizovalo je projekat pod nazivom MJESEC DANA RENESANSE U TUZLI, u okviru granta neprofitnim organizacijama Grada Tuzla za 2015. godinu.

Pripadnici italijanske nacionalne manjine u Tuzli imaju potrebu za održanjem kulturnog identiteta, kao i potrebu da vlastiti identitet podijele sa drugim građanima Tuzle. Jedna od ključnih vrijednosti koje nosi Italija je istorijski pravac razvoja čovječanstva nazvan Renesansa. Građanima Tuzle su prezentovana najvažnija obilježja jedne epohe umjetnosti, nauke, stvaralaštva i društvenog razvoja koja su posebno izražena na prostorima Italije.

Projektne aktivnosti su realizovane u periodu od augusta 2015. godine do 10. decembra 2015. godine. U periodu priprema za centralni događaj ostvareni su kontakti sa udruženjem Trentini nel mondo sa ciljem identifikacije značajnih ličnosti renesanse koje su živjele ili radile na sjeveru Italije, a ostvareni su i kontakti sa poznavaočima umjetnosti doba renesanse i poznavaočima renesanse kao pravca društvenog djelovanja. Prikupljene su informacije i fotografije koje su korištene za prezentaciju pravca renesanse i za izložbu dostignuća u renesansi.

Projekat i inicijativa su najavljeni u više medija, kao i putem WEB stranice udruženja Italijana. Obavijesti o projektu su bile na WEB portalima Tuzlarije, na RTV 7, RTV Slon i RTVTK. Zvanicama grada i kantona, ako i drugim institucijama upućene su pozivnice za otvaranje izložbe.

Rezervisan je izložbeni prostor u Galeriji Mandžić, Tuzla, u kojem je održan centralni događaj projekta: okrugli sto sa prezentacijom renesanse i izložba dostignuća renesanse. Za potrebe izložbe štampani su baneri velikog formata koji su postavljeni na zidove

izložbenog prostora. Za potrebe vođenja okruglog stola o dostignućima renesanse angažovan je učitelj slikanja/akademski slikar Zoran Kovačević, i akademik Enver Mandžić. Ova dva eksperta su radili prezentaciju renesanse, vodili diskusije u pogledu zanimljivosti renesanse, a što je sve skupa bio uvod u otvaranje izložbe.

Izložba je sadržavala 80 fotografija i ilustracija umjetnosti, nauke, mode i arhitekture renesansnog perioda. Na izložbi su bila prikazana djela iz oblasti slikarstva, kiparstva i arhitekture, kao i drugi elementi koji karakterišu doba renesanse kao što je odjeća, instrumenti, naučni crteži, i slično.

Otvaranje izložbe je bilo 24.11.2015. godine u 18.00. Prvo je održana prezentacija u formi okruglog stola koji su vodili Kovačević i Mandžić. Onda je predsjedavajući udruženja otvorio izložbu. Na otvaranju izložbe je bilo prisutno oko 40 posjetilaca, a u narednim danima izložbu je posjetilo najmanje 200 djece i građana Tuzle.

Ukupno četiri medijske kuće su pratile otvaranje izložbe a učesnici izložbe su davali izjave koje su prenijeli lokalni mediji (Kameleon, RTV 7, RTV Slon, RTVTK i Radio Valentinovo). Povodom održavanja izložbe, predsjedavajući udruženja je bio gost u programu RTV TK u ponedjeljak 30.11.2015. Dnevni list Oslobođenje je objavilo reportažu o događaju u nedjeljnom izdanju od 6.12.2015.

Planirano je da izložba bude otvorena 7 dana, a obzirom na interes javnosti, izložba je produžena do ponedjeljka 8.12.2015. godine, kad je i zatvorena. Izložbu su 27.11.2015. godine posjetili učenici srednje Saobraćajne škole Tuzla u pratnji profesorice Elvire Huskić-Hadžić.

Ostvareni rezultati projekta pokazuju da je projekat uspješno realizovan, da je italijanska nacionalna manjina u Tuzli još jednom iskazala svoju prisutnost u gradu i način na koji održava tradiciju i kulturu područja odakle su preci došli u Tuzlu.





TUZLARIJE - VIJESTI

24.11.2015. u 20:08 Broj otkanja: 335

Italijanska renesansa na izložbi u Galeriji Mandžić

Udruženje građana italijanskog porijekla "Rino Zandonai" Tuzla organizovalo je večeras u Galeriji Mandžić prezentaciju i izložbu na temu Italijanska renesansa.



renesansa, kao inovativni pravac u oblasti medicine, nauke, arhitekture i posebno umjetnosti, kulminirao je iz 1500. godine zahvaljujući umjetnicima iz Italije koji su obilježili čovječanstvo - Michelangelo, Leonardo, Raphael.

- Na ovaj način željeli smo da obilježimo pravac renesanse. Dakle, na ovoj izložbi nije isključivo akcent na umjetnosti, košto mi obično prepoznajemo renesansu kroz slikarstvo, kiparstvo i slično nego je riječ i o nauci, književnosti, poeziji, muzici, modi, politici... Izložba je isključivo vezana za Italijane jer je renesansa iz te zemlje krenula, ali je otišla i u druga područja. Tako je naš fokus na Italiji, a primamo na sjever ove zemlje provincija Trento odakle je došla većina porodica koje žive u Tuzli - kazao je za Tuzlarije Tihomir Knežiček, predsjednik Udruženje građana italijanskog porijekla "Rino Zandonati" Tuzla.



Italijanska renesansa - izložba 24.11.2015.

Galerija Mandžić
24. novembar 2015.
18:00 sati



ITALIJANSKA RENESANSA
ZA SLUŠANJE I GLEDANJE

Gosti:
umjetelj slikanja i zaštitnik u
renesansu Goran Kovačević
odlikovni umjetnostnik Enver Mandžić



Udruženje građana italijanskog porijekla "Rino Zandonai" Tuzla, u utorak 24.11.2015. u 18.00 sati u Galeriji Mandžić organizuje prezentaciju i izložbu pravca Italijanska renesansa. Fokus izložbe je na dostignućima koja su ostvarena u provinciji Trento.

Gosti prezentacije i izložbe su Tuzlaci - učitelj slikanja Goran Kovačević i zaštitnik umjetnosti akademik Enver Mandžić. Prezentaciju možete pogledati [ovdje](#).

Na izložbi će biti prikazano 80 ilustracija koje karakterišu renesansu i ostvarenja u nauci, umjetnosti, arhitekturi, muzici, politici, vještinama ratovanja, modi, književnosti i slično. Izložba je otvorena do 29.11.2015. godine. Izložbu je finansijski podržao Grad Tuzla u okviru projekta Mjesec dana renesanse u Tuzli, a pomoć u obezbjeđenju informacija dali su Trentini nel mondo i članovi udruženja.

Tuzlaci na radionici PLOŽAJ MIGRANATA - PROPUSNOST GRANICA I MOBILNOST RADNIKA u Trentu 23.-24. oktobra 2015.



Članovi udruženja Rino Zandonai Tuzla - kluba Trentina, Željko Mott, Ivana Mott Bašić, Martina Senkas i Antun Mott, učestvovali su na seminaru-radionici, u organizaciji UNAIE, EZE i ASOCIJACIJE TRENTINO NEL MONDO I kao gost članovi EVROPSKE KOMISIJE ZA FINACIJE.

Radionica je trajala 23. i 24. oktobra 2015. godine u Trentu Hotel Adige.

Tema seminara –radionice je PLOŽAJ MIGRANATA- PROPUSNOST GRANICA I MOBILNOST RADNIKA, a sve sa akcentom na kriznu situacijom sa velikim brojem izbjeglica sa Istoka koji dolaze u Europske zemlje. Radionica je obradila i problematiku međusobnih odnosa po pitanju zapošljavanja radnika koji žive u zemeljama članicama EU i radnika iz zemalja koje nisu članice EU. Prezentovan je sporazum između vlada Italije i Švicarske o radnicima koji su zaposleni u tim zemljama, koji ostvaruju manja primanja i do 40% u odnosu na domaće radnike. Pored grupe učesnika iz Tuzle, na seminaru su bili prisutni i članovi udruženja talijana iz Banja Luke, kao i članovi italijanske zajednice iz Rumunije, Njemačke, Francuske, Belgije, Slovačke, Mađarske, Litvanije, i naravno udruženja iz Italije.





Program socijalne podrške provincije Trento za 2015.

Putem udruženja Trentini nel mondo stigla je obavijest 13.10.2015. da se prijave kandidati koji su na spisku za program socijalne pomoći, kao što se to radilo i prethodnih godina. U prilogu je lista kandidata, a ovim putem pozivamo članstvo udruženja da dostave u udruženje dodatne prijedloge članova porijeklom iz Trenta koji su u socijalnoj potrebi.

Socijalni radnik udruženja (Sanja Marković) će započeti obilazak članova sa spiska 17.10.2015. a telefonski će se dogovoriti termini posjeta. Uslovi za dodjelu pomoći se nisu mijenjali u odnosu na 2014. godinu, a i način rada socijalnog radnika ostaje nepromijenjen.

LISTA KANDIDATA ZA PROGRAM SOCIJALNE PODRŠKE PROVINCIJE TRENTO

Održana manifestacija „Dan italijanske kuhinje u Tuzli“ 5.9.2015.

Udruženje građana italijanskog porijekla „Rino Zandonai“ Tuzla po šesti put je organizovalo „Dan italijanske kuhinje u Tuzli 2015“ u okviru manifestacije „Ljeto u Tuzli“.

Prezentacija i degustacija italijanskih jela je bila u subotu 5.9.2015. u 19.00 na trgu kod Meše i Ismeta - ispred kina Centar. Građani Tuzle su imali priliku degustirati standardna i specijalna jela koja su pripremile 11 vještih domaćica italijanskih obitelji.

Uz jela, slana i slatka, nudilo se vino i osvježnje. Manifestaciju su podržali MENPROM Gornja Tuzla, Trentini nel mondo iz Trenta, Grad Tuzla i članovi udruženja. Na manifestaciji je bio uobičajen odziv građana, tako da je podijeljena sva pripremljena hrana.

Grad Tuzla je bio obećao da će obezbijediti razglas za manifestaciju, ali to obećanje nije ispoštovano, tako da planirano puštanje italijanske muzike nije se ostvarilo. Ove godine, manifestacija je posvećena našim članicama Silviji Zamboni, Radi Segat i Vesni Stokanović koje su do ove 2015. godine učestvovala u Danu italijanske kuhinje. Iako nisu uspjele pobijediti bolesti, njihove ruke i likovi će uvijek biti tu negdje oko nas.





Sjećanje na Jakova Motta



Jakov Mott - Jakica je tuzlak koji je ostavio trag u životu Tuzle, u sportu, kulturi i humanom radu. Isticao je svoje italijansko porijeklo i do kraja života sve nas učio koliko su važni korijeni porodice i koliko je važno da se održe porodične veze. Potiče iz poznate i uticajne porodice Mott koja je dala prvog dimnjačara u Tuzli, osnivače vatrogasnog društva u Tuzli, revolucionare, sportiste, muzičare.

Jakov je rođen 31.7.1934. godine u Tuzli, školovao se u Tuzli i završio Tehnološki fakultet u Zagrebu. Radio u Špiri, rudniku uglja Banovići, a penzionisan 1994. iz službe za inspekcije općine Tuzla. Bio je oženjen Lidijom, a u braku s Lidijom ima sina Ivana. Jakov Mott je jedan od osnivača udruženja Italijana u Tuzli 1993. godine, a bio je dugogodišnji predsjednik upravnog odbora udruženja i aktivista. Pored niza priznanja u oblasti sporta i društvenog rada, za doprinos razvoju Tuzle, 2010. godine primio je zahvalnicu grada Tuzle.

Značaj broj lokalnih medija i WEB portala je obavijestio javnost o smrti Jakova Motta. Izraze saučešća uputio je gradonačelnik Tuzle g. Jasmin Imamović, Udruženje Trentini nel mondo, Udruženje Italijana Sarajevo i pojedinci koji su poznavali Jakova. Velikom broju tuzlaka ostaće u sjećanju visoki sjedobradi Jakov, njegovi afirmativni nastupi i šetnje Slatinom. Umro je u subotu 25. jula 2015. u Tuzli od starosti. Sahranjen je u utorak 28. jula 2015. godine pored supruge Lidije na gradskom groblju Trnovac.



Održan Šesti festival nacionalnih manjina opštine Prnjavor

U subotu 25. jula 2015. godine održana je manifestacija Šesti festival nacionalnih manjina opštine Prnjavor „Mala Evropa“. Manifestacija je održana na Trgu srpskih boraca u Prnjavoru. Ovu tradicionalnu i za građane najatraktivniju od manifestacija koje se održavaju tokom godine, organizovala je opštinska uprava u saradnji sa udruženjima nacionalnih manjina, a pod pokroviteljstvom načelnika opštine. Pored brojnih Prnjavorčana festivalu su prisustvovala i delegacije zvaničnice sačinjene od ambasadora, predstavnika ministarstava, opština i gradova iz Bosne i Hercegovine, Vijeća nacionalnih manjina (Tihomir Knežiček), nevladinih organizacija, te organizacija uz čiju pomoć i finansijsku podršku je opština realizovala niz projekata koji su doprinijeli poboljšanju statusa nacionalnih manjina na ovom području.



Festival je obuhvatao niz pratećih aktivnosti kao što je prijem zvaničnice kod načelnika opštine Prnjavor, obilazak italijanske crkve u Štivoru, druženje u domaćinstvu Italijana Stjepana Moretija, koji je predstavio svoje imanje i pokazao svim prisutnima kako Italijani već 130 godina skladno žive u zajednici sa ostalim narodima naše opštine. U poslijepodnevnom časovima, u OŠ „Branko Ćopić“, predstavljen je jedan od projekata koje opština uspješno sprovodi, pod nazivom „Unapređenje učenja jezika nacionalnih manjina u opštini Prnjavor“, finansiran od strane Evropske unije i Savjeta Evrope. Kao kruna večeri uslijedio je nastup kulturno-umjetničkih društava kako iz Prnjavora, tako i gostujućih društava iz Viteza, Banjaluke, Gradiške i iz poljskog Boleslavjeca, koji su se igrom i pjesmom predstavili i zabavili sve prisutne. Na štandovima postavljenim na trgu, posjetioci su mogli degustirati tradicionalna jela pripremljena od strane predstavnika ukrajinskih, čeških, italijanskih, poljskih i romskih udruženja nacionalnih manjina sa našeg područja. Galerija fotografija sa festivala se nalazi na WEB stranici opštine Prnjavor.

<http://www.opstinaprnjavor.net/>

Usvojen izvještaj o radu Vijeća nacionalnih manjina za 2014. godinu

Na 11. sjednici Predstavničkog doma Parlamentarne skupštine Bosne i Hercegovine, održanoj 13.5.2015. usvojen je Izvještaj o radu Vijeća nacionalnih manjina BiH za 2014. godine kojim predsjedava Tihomir Knežiček. Izvještaj o rad ovog državnog tijela koje zastupa interese 17 nacionalnih manjina u BiH možete pogledati [OVDJE](#).

Sjećanje na Radojku Segat

"Hoćeš li kafu"? To je rečenica kojom započinje susret sa Radojkom Segat koju smo svi zvali Rada. Rada je rođena u porodici Radojčić 1950. godine u Loparama. Školovala se u Tuzli i u Tuzli ostala do kraja života. U Tuzli je upoznala i kasnije se udala za Zdenka Segata. U braku sa Zdenkom imala je sina Sašu i kćerku Danijelu koji danas žive i rade u Njemačkoj. Rada je život provela u prelijepom ambijentu kuće u Kreki, blizu Partizana pomažući Zdenki u svemu gdje je pomoć bila potrebna - pravila hladan sok dok je Zdenko u radioni popravljao neki auto, uređivala dvorište i cvjetnjak, hranila vučjaka, a ponekad i golubove. Radni vijek je provela kao službenica - crtač u TTU, i kad je došlo vrijeme otišla u penziju. Mirna, sa cigarom u ruci, pomogla je svima nama da bolje razumijemo jedni druge. Nije propuštala druženja tuzlanskih Italijana, kao ni Dan italijanske kuhinje. Pomogla je u organizaciji Dana italijanske kuhinje 2014, a tad nije bilo znakova bilo kakve slabost. Kao što često biva, nevidljivi neprijatelj se prikrađe i lagano uzima svima najdraže - život. Rada se razboljela i nije mogla da se izbori da nastavi život. Umrula je u bolnici u Tuzli 26. maja 2015. godine. Dostojanstveno, u prisutnosti rodbine i prijatelja, sahranjena na groblju Borić u Tuzli.



Grad Tuzla odobrio finansiranje dva projekta udruženja Rino Zandonai

Grad Tuzla je raspisao pozive za realizaciju projekata udruženja građana na prostoru Grada Tuzla. Udruženje "Rino Zandonai" je prijavio projekat "Mjesec dana renesanse u Tuzli" koji je prihvaćen od Grada za realizaciju. Traženi iznos sredstava za realizaciju projekta je 2.310,00 KM, a Grad Tuzla je odobrio iznos od 1.500,00 KM. Obzirom da nije odobren puni traženi iznos za realizaciju projekta, projektne aktivnosti će se prilagoditi raspoloživom budžetu. Projekat ima za cilj promociju italijanske umjetnosti i kulturi u periodu renesanse u Italiji.



Projektom je predviđena organizacija izložbe renesansnih elemenata (arhitektura, slikarstvo, kiparstvo, moda) i održavanje skupa na temu renesanse i njenog uticaja na prostore Bosne i Hercegovine, posebno Tuzle. Moguće je i da će se upriličiti video projekcija renesansnih vrijednosti. Trajanje projekta je od augusta do novembra 2015, a ključne aktivnosti će se realizovati tokom mjeseca oktobra 2015. godine.

Renesansa, kao inovativni pravac u oblasti medicine, nauke, arhitekture i posebno umjetnosti, kulminirao je iza 1500. godine zahvaljujući umjetnicima koji su obilježili čovječanstvo - Michelangelo, Leonardo, Raphael.

Dan italijanske kuhinje u Tuzli 5. septembra 2015.

Dan italijanske kuhinje u Tuzli se po šesti put održava u pješačkoj zoni grada Tuzla. Manifestacije će se održati u subotu 5. septembra 2015. godine na malom trgu kod Meše i Ismeta u okviru « Ljeta u Tuzli ». Ove godine, manifestaciju su podržali Grad Tuzla sa iznosom od 350 KM i Trentini nel mondo sa 570 KM. Očekivano je da će i ove godine manifestaciju podržati uspješan privrednik i humanista g. Mensur Alić i njegova kompanija MENPROM. Mensur Alić svesrdno pomaže manifestaciju « Dan italijanske kuhinje u Tuzli » svake godine i to od prve manifestacije koja je održana 2010. godine. O uspjesima manifestacije u 2014. godini izvještavali su lokalni mediji, a objavljen je i članak u magazinu Trentini nel mondo.



Programi EU za Bosnu i Hercegovinu 2014 - 2020

Europska Unija je objavila cjelokupan program pomoći za Bosnu i Hercegovinu u periodu 2014. do 2020. godine. Objava programa je značajna za udruženja građana sa aspekta mogućnosti finansiranja aktivnosti udruženja. Publikaciju programa možete pogledati [OVDJE](#), a članovi udruženja se pozivaju da daju doprinos davanjem ideja i prijedloga za prijave projekata prema programu EU za BiH.

Sjećanje na Mariju Zamboni - Micu



Zamboni Marija, zvana Mica, je drugo dijete Zamboni Josipa i Ide. Rođena je 11.4.1924. godine u Tuzli, a umrla u Tuzli 31.3.2015. godine. Završila je osnovnu školu u Solani i daktilografsku školu u Tuzli. Mica nije imala potomaka, a do kraja života je živjela sa obitelji Jobst u zgradi u Solani. Od 1946. godine raditi kao vaspitačica u "Domu za djecu bez roditelja" u Lukavcu, a kad se preselio u Praču, kod Pala, nastavila je da radi sa djecom. Zbog otežanih uslova rada, Marija se vratila u Tuzlu, a onda 1950. godine, zaposlila se kao službenica u "Fabrici soli" u Tuzli. U fabrici je ostala do penzije 1.11.1980. godine. Do kraja života je bila zdrava, čitala knjige i obilazila poznanike. Sahranjena je 1.4.2015. na gradskom groblju Trnovac u Tuzli u prisutnosti obitelji i mnogobrojnih prijatelja.

Sjećanje na Vesnu Stokanović

Vesna Stokanović rođena je u Kninu 27.2.1952. od majke Jokice i oca Mihajla. Živjela je s roditeljima u Beogradu, a dolazila u Tuzlu kod bake Anice Novaković. U Tuzli je upoznala Mladena, a vjenčali su se 8.12.1973. godine u Tuzli. Vesna je završila zubotehničku školu u Beogradu, i radila u zubarskim ordinacijama u Živinicama i Loparama. U braku s Mladenom Stokanovićem, porijekom Mott, imala je dva sina: Dalibora rođenog 1974. godine i Aleksandra rođenog 1977. godine u Tuzli. U zadnjih 10 godina radila je s Mladenom u firmi „Frigoled“, i nakon iznenadnog oboljenja umrla u nedelju 3.5.2015. Sahranjena je na groblju „Borić“ Tuzla. Njena umjetnička životna crta iskazana je slikarstvom. Uradila je više od 70 slika, uglavnom ulja na platnu. Bila je član udruženja likovnih umjetnika „Leder“ Tuzla i učestvovala na likovnim izložbama. Članica udruženja tuzlanskih Italijana je bila od osnivanja udruženja, a neizostavno je bila učesnica manifestacija Dan italijanske kuhinje u Tuzli. Lijep osmijeh, vješte ruke i obiteljska harmonija ostaće u sjećanju onih koji su Vesnu poznavali.



[Ovdje možete pogledati galeriju slika ulja na platnu Vesne Stokanović.](#)



Trentini nel mondo odobrio 292,50 EUR za Dan italijanske kuhinje u Tuzli 2015.

Na osnovu ponuđenog projekta za organizovanje manifestacije Dan italijanske kuhinje u Tuzli za 2015. godinu, Trentini nel mondo je odobrio iznos od 292,50 EUR. Prijavu za projekte u 2015. godini predalo je 52 kluba Trentina sa 200 različitih inicijativa.

Iako asocijacija ima ekonomske poteškoće, Trentini nel mondo je odobrio podršku za 41 klub Trentina u svijetu, a za Tuzlu je odobreno 292,50 EUR namijenjenih za troškove manifestacije Dan italijanske kuhinje. Planirano je da se manifestacija održi krajem ljeta kako je to bilo i prethodnih godina.

Sjećanje na Lidiju Mot

Lidija Mott, rođena Stulov, je bila supruga Jakov Motta, aktiviste i jednog od osnivača udruženja Italijana u Tuzli. Lidija je rođena 10.12.1933. godine u Sarajevu kao kćerka Rusa Stulov Borisa i Marije (rođene Vidić iz Hercegovine). Završila je Gimnaziju u Tuzli, a zatim Filozofski fakultet - odsjek Povijest, u Sarajevu. Generacije učenika srednje Rudarske škole će se sjećati svoje profesoricke koja je u mirovinu iz škole otišla 1994. godine. Živjela je u naselju Slatina Tuzla, a sin Ivan joj je jedini potomak. Nekoliko godina je bila bolesna, da bi u utorak 17. marta 2015. sklopila oči i svima nama ostavila u sjećanje svoju ljudsku



narav i širok osmijeh. Dostojanstveno je sahranjena na gradskom groblju Trnovac
19.3.2015. godine.

Sjećanje na Selenu Jurišević



Članica udruženja Selena Jurišević iznenada je umrla u Tuzli 16.1.2015. godine, a sahranjena je sutradan na groblju Borić u Tuzli. Selena je bila blage naravi, spremna na pomoć kome je pomoć potrebna. Krasila ju je ljudskost, a tuga obitelji, prijatelja i susjeda u Šiĉkom Brodu pokazuju veliĉinu osobe koja je stalnom borbom za lijep život uspjela da, zajedno sa Miroslavom, izvede dva sina na pravi životni put. Sin Davor je završio Saobraćajnu školu u Tuzli, a od 1992. godine živi i radi u Njemačkoj u autoindustriji. Drugi sin Danijel je završio saobraćajnu školu, a zaposlen je kao profesionalni vozaĉ u Tuzli.

Selena Jurišević, rođena Matović 1950. godine, vodi porijeklo iz Uĉičke Požege gdje je i upoznala Miroslava Juriševića 1968. godine. Vjenĉala se 12.8.1970. godine u Tuzli za Miroslava, sina Albine (rođena Zamboni) i Antona Juriševića. Cijeli život je provela u brizi o obitelji, ukljuĉujući i brigu o Albini, a stanovala je u stanu u Šiĉkom Brodu gdje i danas živi Miroslav.

Tuzlaci na maškarama u Štivoru 14.2.2015.

Udruženje Italijana u Štivoru tradicionalno svake godine organizuje maškare. Ove, 2015. godine održane su maškare isti dan kad su Ćesi u susjednom mjestu Maĉino Brdo organizovali maškare – u subotu 14.2.2015. godine.

Maškare su tradicionalne zabave pod maskama uoĉi poĉetka uskršnjeg posta. Italijani u Štivoru ĉuvaju svoje stare obiĉaje, glasnom muzikom, pjesmom i plesom nastojeĉi da iz sela otjeraju "zle duhove" i odobrovolje "bogove", a maštovitim maskama zaštite se od nesreća, prirodnih nepogoda i loše sreće. Tradicija je da maskirana povorka prođe kroz selo, a da ih domaćini doĉekuju i daruju.

Specifiĉnost maškara u Štivoru je što se povorka formira ispred restoranta Trentini od traktora koji su takođe „odjeveni“ u maškare. [\[VIŠE\]](#)

Vatrogasci Gornje Tuzle na kalendaru Cles



Trentini nel mondo u saradnji sa Dobrovoljnim vatrogasnim društvom Cles napravili su kalendar za 2015. godinu sa ilustracijama dobrovoljnih vatrogasnih društava u mjestima gdje žive Trentinjani. Cilj dizajna kalendara je popularizacija dobrovoljnog vatrogastva u mjestima gdje žive građani italijanskog porijekla. Udruženje Rino Zandonai Tuzla je dostavilo fotografije DVD Gornja Tuzla i fotografije su objavljene u kalendaru. Udruženje je dobio dva primjerka kalendara, a jedan je predat DVD Gornja Tuzla.

U dodatku vijesti o vatrogastvu, priložena je i razglednica iz kolekcije obitelji Knežiček koja populariše vatrogastvo u Italiji u doba pedesetih godina prošlog stoljeća.



ČESTITKA ZA BOŽIČNE I NOVOGODIŠNJE PRAZNIKE

Udruženje čestita Božić i novogodišnje praznike članovima i prijateljima. Udruženje Trentini nel mondo je svim klubovima Trentina uputilo čestitku i a [ovdje](#) možete pročitati pozdravno pismo predsjednika Trentini nel mondo Alberto Tafnera.



IZLOŽBA FOTOGRAFIJA SPOMENIKA KULTURE SA GROBLJA BORIĆ



Od oktobra mjeseca 2014. godine Udruženje radi na projektu podizanja svjesnosti javnosti o važnosti zaštite kulturnog naslijeđa spomeničke kulture na Katoličkom groblju Borić u Tuzli. U tom cilju organizovana je izložba fotografija oštećenih spomenika i efekata klizišta na groblju Borić u izložbenom prostoru Galerije Mandžić u Tuzli.


Izložba je održana 10.12.2014. u 12.00. Izložbu je otvorio Akademik Enver Mandžić, a obraćanja su bilo od strane Gradonačelnika Tuzle Jasmina Imamovića, Gvardijana Franjevačkog samostana Fra Marija Divkovića i organizatora izložbe Tihomira Knežičeka. Na otvaranju je bilo više od 60 gostiju, najvećim dijelom iz Tuzle, kao i značajan broj medijskih kuća koje su izvijestile o otvaranju izložbe. Dnevni list Oslobođenje je objavilo izuzetno značajan i obiman članak o izložbi, a na frontalnom dijelu dodatka za oblast kulture u Oslobođenju na cijeloj stranici u boji prikazan je spomenik Cordignano. [\[VIŠE\]](#)

IZLOŽBA FOTOGRAFIJA NADGROBNIH SPOMENIKA NA BORIĆU

Izložba fotografija nadgrobnih spomenika pod nazivom SVJEDOCI TUZLANSKE MULTIKULTURALNOSTI - Nadgrobnni spomenici iz austrougarskog perioda sa Katoličkog groblja Borić – otvara se 10.12.2014. godine u 12.00 u Galeriji Mandžić u Tuzli. Izložba je dio kampanje zaštite spomeničke kulture na groblju Borić, gdje ima veliki broj vrijednih spomenika iz perioda Austrougarske, a jedan broj tih vrijednih spomenika su spomenici tuzlanskih Italijana.

Groblje je ugroženo klizištem koje je do sada oštetilo više od 150 nadgrobnih spomenika, a među njima ima i italijanskih. Pokrovitelj izložbe je Grad Tuzla, a saradnja u realizaciji izložbe je ostvarena sa Trentini nel mondo, JU Zavod za zaštitu i korištenje kulturno-historijskog i prirodnog naslijeđa Tuzlanskog kantona, Katoličkom crkvom Tuzla, i pogrebnom udrugom Borić Tuzla.

Na izložbi će se prisutnima obratiti Gradonačelnik Tuzle Jasmin Imamović, Gvardijan Franjevačkog samostana Fra Mario Divković i Akademik Enver Mandžić. Pozivamo članove udruženja i druge koji na neki način vode austrougarsko porijeklo da razgledaju fotografije i prepoznaju značaj spašavanja groblja Borić.



Kontakt:

**Radmila Maričić, predsjednica udruženja, tel. 065 568 697
e-mail: udruzenjeitalijana_bl@yahoo.it**